

RI SAMAJ CHUPAN RI FAMILIA

Chiquijunal ri vinaki' c'o quisamaj chupan jun familia. Ri Ajaf rubin chique ri profeta'i' ri achique nurayij chi niquiben ri achijilal y ri ixjayilal y ri ac'uala' quiq'uin ri ch'aka' chic. Roj oj achijilal o oj ixjayilal o oj ac'uala', y nic'atzin chi niketamaj achique nurayij ri Ajaf chi nikaben. Re' nic'atzin richin nikaben ronojel ri nirayix riq'uin ri ka familia. Vi roj nikaben ri nirayix, xkojtiquir xkojc'oje' junan riq'uin ri ka familia richin jumul.


¿Achique roma tok c'o ri familias?

RI QUISAMAJ RI TE'EJ TATA'AJ

Tok ca'i' vinaki' yec'ule', manek modo nikabij chi ri achin más nic'atzin chuvech ri ixok, o chi ri ixok más nic'atzin chuvech ri achin. Rije' cachibil qui'. Man riq'uin vi ri', ri tata'aj c'o pa ruvi' ri familia.

C'o ri samaj niquiben ri achijilal y ri ixjayilal che ca'i'. Nic'atzin chi ri te'ej tata'aj yequitijoj ri calc'ual chirij ri utzilej rutzijol. Nic'atzin c'a chi yequitijoj chire ri tzolibel c'u'xlal y ri cukubabel c'u'x riq'uin ri Jesucristo. Yequitijoj chuka' chire ri kasanic chuxe' ya' y ri sipanic richin ri Uxlabixel. Ri Ajaf rubin chi vi ri te'ej tata'aj man que ta re' ri quitijoxic niquiben chique ri calc'ual, ri mac c'o pa quivi' ri te'ej tata'aj. Chuka' nic'atzin chi yequitijoj ri calc'ual richin xquech'o riq'uin ri Dios y xquequitakej ri rupixa' (tatz'eta' c'a ri DyC 68:25, 28).

Janíla utz tok ri te'ej tata'aj yequitijoj ri calc'ual riq'uin ri niquibanala' rije'. Nic'atzin chi ri achijilal y ri ixjayilal niquic'ut chi nicajo' qui' chiquivech y yecajo' ri calc'ual chuka'. Re' niquiben riq'uin ch'abel y chuka' riq'uin banobel. Nic'atzin chi noka' chikac'u'x chi conojel ri vinaki' ri e c'o



chupan ri familia e ralc'ual ri Dios. Ri te'ej tata'aj yecajo' ri calc'ual y niquiya' quik'ij. Jantek yequich'olij pero ronojel k'ij niquiben ri utz quiq'uin.

C'o chi nik'ax c'a chiquivech ri te'ej tata'aj chi jujun bey ri calc'ual niquiben ri man utz ta, stape' utz e quitijon. Vi queri' nic'ulvachitej, man utz ta vi ri te'ej tata'aj niquich'ob chi xesach yan ri calc'ual. Xa c'a utz yequitijoj na ri calc'ual y tiquic'utu' chiquivech chi can kitzij yecajo' vi. Tiquibanala' c'a ri utz y quemevayin y quech'o c'a ak'anij riq'uin ri Dios coma rije'. Ri Vuj richin ri Mormon nutzijoj chi jun tata'aj janila xch'o riq'uin ri Dios roma jun ruc'ajol ri xubanala' ri man utz ta. Jari' can xuto' vi chutzolixic ri ala' chupan ri rubeyal ri Ajaf (tatz'eta' c'a ri Mosia 27:8-32). Ri Alma alc'ualaxel elenek el riq'uin ri rutijonic ri rutata'. Xuti-jola' ruk'ij richin xuyuj ri K'ataj. Ri tata'aj xucukuba' ruc'u'x y xch'o ak'anij riq'uin ri Dios pa ruvi' ri ruc'ajol. C'ari', jun ángel xpe riq'uin ri Alma alc'ualaxel. Ri Alma alc'ualaxel xtzolin pe ruc'u'x chupan ri itzel ruc'aslen. C'a c'ari', xoc jun nimalej uc'uey bey chupan ri K'ataj.

Vi ri te'ej tata'aj yequitijoj ri calc'ual riq'uin ajovabel, conojel chupan ri qui familia xtiqiyala' quik'ij chiquivech. Nic'atzin chi ri te'ej tata'aj niquiben chi yequicot ri calc'ual chupan ri qui familia.

Tatzijoj ri achique niquiben utzilej tak te'ej tata'aj.

RI RUSAMAJ RI TATA'AJ

Ri tata'aj ja rija' ri nimatata'al richin ri familia y c'o ri samaj can richin rija'. Rija' c'o pa ruvi' ri familia, y ja rija' ri uc'uayon rubey. Nic'atzin c'a chi nuc'uaj quibey conojel ri e c'o chupan ri ru familia riq'uin utzilej na'oj y man riq'uin ta itzel banobel o riq'uin royoval. Ri lok'olej tak tz'ibanic niquibij chike chi ri e uc'uayon richin ri aj chicajel uchuk'a' tiquic'uaj c'a quibey ri ch'aka' chic riq'uin utzilej na'oj y ajovabel y utzilej yuk'bel (tatz'eta' c'a ri DyC 121:41-44; Efesios 6:4).

Jun chic rusamaj ri tata'aj ja richin nuch'ec ri c'aslen quichin ri ru familia (tatz'eta' c'a ri DyC 75:28). Nic'atzin chi nril ri vey, ri tziek, ri jay, y ri tijobel ri nic'atzin chique ri ru familia.

Nic'atzin chi ri tata'aj yequitakej ri rupixa' ri Dios. Queri' yetiquir niquic'ut utzilej banobel chiquivech ri qui familia.

Ri e c'o chupan jun familia xtiquitzekelbej ri rubanobal ri tata'aj. Nic'atzin chi ri tata'aj nutz'et chi ri familia niquiben junan ri lok'olej ch'oven riq'uin ri Dios ca'i' mul pa jun k'ij. Rija' nuben chuka' riq'uin ri ru familia ri molojri'il pa jay. Chuka' nuya' ri turusanic richin ri aj chicajel uchuk'a' chique ri ru familia. Tok jun achin ruc'uan ri Aj Chicajel Uchuk'a' richin ri Melquisedec, nitiquir nuya' quibi' ri tak ralc'ual y yeruturusaj. Chuka' yeruturusaj ri yava'i', y yerukasaj ri ralc'ual chuxe' ya'. Nuben chuka' ch'aka' chic takbel y turusanic richin ri aj chicajel uchuk'a'.

Nic'atzin chi c'o nuben ri tata'aj quiq'uin chiquijujunal ri ralc'ual. Querutijoj c'a y querupixabaj binakel. Ri Vuj richin ri Mormon yerutzijoj jun ca'i' oxi' tata'aj ri queri' xquiben (tatz'eta' c'a ri 2 Nefi 1:14-32; 2 Nefi 2; 2 Nefi 3; y Alma 36-42).

RI RUSAMAJ RI TE'EJ

Ri David O. McKay xubij chi ri rusamaj jun te'ej jari' nic'o ruvi' nim chuvech xabachique chic samaj ri nuben jun ixok. Jun ixok ja rija' jun rachibil ri Dios chuc'amic pe ri ralc'ual chuvach'ulef. Ri nimalej rusamaj jun te'ej ja richin yeralaj pe ac'uala' y yeruchajij y yerutijoj. Nitiquir nalan, y jare' jun nimalej turusanic. Vi xa man nucusaj ta re turusanic re', jari' jun c'ayevilej mac.

Ri Elder Boyd K. Packer xuya' quik'ij ri ixoki' ri man yetiquir ta ye'alan pero c'a niquiben na ri samaj richin te'ej. Quere' c'a xubij: "Tok yich'o chiquij ri te'ej, man xaxe ta yich'o chiquij ri ixoki' xc'oje' yan cal, xa chuka' chiquij ri yechajin ri ac'uala' ri xe'alex quiq'uin ch'aka' chic, y chiquij ri ixoki' ri quiq'uiytisan ri cal juley chic tok manek cal rije'."

Nic'atzin chi ri te'ej janíla rajovabal. Nic'atzin chi c'o nuben quiq'uin chiquijujunal ri ral, y yerutijoj chire ri utzilej rutzijol. Netz'an quiq'uin ri ral y chuka' nisamej quiq'uin. Nic'atzin chi ri te'ej nuben chi utz niquina' ri ral y man niquixibij ta qui'. Chuka' yeruto' richin nunabej ri c'o chuvech re ruvach'ulef y nuben chi ch'ajch'oj ri rachoch.

Ri Vuj richin ri Mormon nutzijoj chi jun molaj alabo' janíla utz xquiben roma ri quite' utz xequitijoj (Alma 53:16-23). Ri 2,000 alabo' c'o chi xebe pa jun oyoval. Ri profeta

Elaman ja rija' uc'uayon quibey. Re alabo' re' e choj y e cof y can xquiben vi ri xbix chique. Xquetamaj ronojel re' quiquin ri quite'. Ri quite' chuka' xquibij chique chi vi man ta xquiben ca'ri' quic'u'x, ri Dios xquerucol c'a (tatz'eta' c'a ri Alma 56:47). Manjun chique rije' xcamisex chupan ri oyoval. C'a c'ari' xquibij chi cukul quic'u'x riq'uin ri tijonic quichin ri quite', y quere' xquibij: Man nikaben ta ca'ri' kac'u'x. Xa ketaman chi ri kate' can quetaman vi (tatz'eta' c'a ri Alma 56:48). Conojel ri te'ej ri quetaman ri kitzij pa cáñima janíla yeruto' ri cal.

¿Achique roma nikabij chi ri te'ej jun rachibil ri Dios?

Tabij chire jun vinek chi tutzijo ri xquibanala' ri alabo' e richin ri Elaman.

RI QUISAMAJ RI AC'UALA'

Nic'atzin chi ri ac'uala' yequito' ri quite' quitata' chubanic jun cachoch richin quicoten. Nic'atzin chi yequitakej ri pixa' y yequitola' ri ch'aka' chic vinaki' chupan ri familia. Ri Ajaf xa man utz ta yerutz'et ri ac'uala' ri yetojojen (Mosia 4:14).

Ri Ajaf rubin chique ri ac'uala' chi tiquiya' quik'ij ri quite' quitata'. Quere' c'a xubij: "Taya' quik'ij ate' atata', richin niyaloj ri ac'aslen chuvach'ulef" (Exodo 20:12). Tok nika-ya' quik'ij ri kate' katata', roj nikac'ut chiquivech chi yekajo'. Vi queri' nikaben, chuka' xtikanimaj quitzij. Quere' c'a niquibij ri lok'olej tak tz'ibanic: "Y rix ac'uala' tinimaj c'a quitzij ri ite' itata', roma queri' ruc'amon chi niben. Y queri', ninimaj chuka' rutzij ri Ajaf" (Efesios 6:1).

Ri Presidente Kimball rubin chi tiquetamaj yesamej ri ac'uala'. Y tiquitola' riq'uin ri samaj pa jay y pa xoral. Utz niya'ox samaj chique richin niquijosk'ij ri jay. Utz chuka' niquiben ri samaj quiquin ri chicopi' y ri tico'n.

¿Achique xtiquiben ri ac'uala' richin niquiya' quik'ij ri quite' quitata'?

YOJTURUSEX TOK NIKABEN RI SAMAJ

Man nibanatej ta chek queri' jun utzilej familia. Chiquijujunal ri vinaki' chupan ri familia c'o chi nuben ri rusamaj. Ri Ajaf ruya'on samaj chique ri te'ej tata'aj y chuka' chique ri ac'uala'. Ri lok'olej tak tz'ibanic niquibij chike chi conojel ticaajo' qui' y tiquitola' qui' chiquivech. Tok yojbixan y yoj-samej junan y tok yojch'o riq'uin ri Dios, janíla yojquicot riq'uin ri turusanic ri niya'ox chique ri ka familia.

Tabij chique conojel chi tiquitzijoj achique xtiquben richin más quicoten xtic'oje' chupan ri familia.

CH'AKA' CHIC MOCAJ RI UTZ YE'ANIC'OJ

Proverbios 22:6 (tatijoj ri ac'ual)

DyC 121:41-43 (quekajo' ri kcal'ual)

Efesios 6:4 (ri rusamaj ri tata'aj)

Efesios 6:1-3 (ri ac'uala' tiquinimaj quitzij ri te'ej tata'aj)

JUN BIX RI UTZ NABIXAJ

"Quinato' pa Nubey"

RI C'ULUBIC RICHIN JUMUL

Ri c'ulubic takon roma ri Dios. Ri Ajaf quere' xubij: Ri nik'aton richin ri c'ulubic xa man takon ta roma ri Dios. Roma ri c'ulubic nitak quiq'uin ri vinaki' roma ri Dios (ta-tz'eta' ri DyC 49:15). Pa rutiquiribel, ri c'ulubic jari' jun pixa' richin ri utzilej rutzijol. Rayin pe chi niyaloj jantape', y man xaxe ta chupan ri kac'aslen chuvach'ulef. Ri Adán y ri Eva xec'ule' tok c'a manjani tic'oje' ri camic chuvech re ruvach'ulef. Ja ri Dios ri xc'uluban quichin. Jari' jun c'ulubic richin jumul. Rije' xequitijoj ri calc'ual y ri quimam y ri quiy che re pixa' re'. Xk'ax ri juna' y ri vinaki' xe'oc itzel. C'ari', man xbanatej ta chic ri c'ulubic richin jumul. Xelesex el chuvech re ruvach'ulef ri k'atbel tzij ri nic'atzin chubanic re lok'olej takbel re'. Tok xya'ox chic pe jun mul ri utzilej rutzijol, ri c'ulubic richin jumul xcamulux chic pe jun bey.

RI C'ULUBIC RICHIN JUMUL NIC'ATZIN CHIRE RI C'ASLEN RICHIN JUMUL

Q'uiy vinaki' chuvech re ruvach'ulef niqich'ob chi ri c'ulubic xaxe nic'atzin chire ri k'atbel tzij, richin queri' ca'i' vinaki' yec'oje' junan. Pero ri vinaki' ri e c'o chupan ri Ru-k'ataj ri Jesucristo quetaman chi man xaxe ta ri' ric'a'tz ri c'ulubic. Ri c'ulubic nic'atzin chike richin xtikach'ec ri c'aslen richin jumul chupan ri rajavaren ri caj. Ri c'ulubic, jari' ri achibilanic más lok'olej ri c'o chucujol jun achin y jun ixok. Re lok'olej achibilanic re' yalan nuto' ri kaquico-ten vacami y chuka' benek ruvech. Ri Chicajel Katata' ru-ya'on pe ri pixa' richin ri c'ulubic richin jumul richin queri' xkojoc junan riq'uin rija'. C'o chi nikatakej ri pixa' richin ri c'ulubic richin jumul vi nikajo' yojoc junan riq'uin rija' y vi nikajo' yec'oje' calc'ual benek ruvech. Quere' xubij ri Ajaf:



E c'o oxi' ruvech ajavaren o caj chupan ri nabey rajavaren. Y vi jun achin nurayij noc chupan ri más jotol rajavaren, c'o chi noc chupan re chojlen re' richin ri aj chicajel uchuk'a' (jare' ri c'ac'a' y jumul c'ulanen tzij richin c'ulubic). Y vi man nuben ta, xa man nitiquir ta nril (tatz'eta' c'a ri DyC 131:1-3).

¿Achique roma nikabij chi ri c'ulubic jare' jun lok'olej achibilanic chucojol jun achin y jun ixok?

C'O CHI NIBAN RI C'ULUBIC RICHIN JUMUL CHUPAN RI LOK'OLEJ NIMAJAY RICHIN RI AJAF RIQ'UIN RI RUK'ATBEL TZIJ RIJA'

Jun jumul c'ulubic c'o chi niban roma jun achin ri ruc'uan ri k'atbel tzij richin nitun. Quere' rubin ri Ajaf: Vi yec'ulubex jun achin y jun ixok riq'uin ri c'ac'a' y jumul c'ulanen tzij roma jun achin ri takon c'ari', más que ta rije' xe'el yan el chuvech re ruvach'ulef, c'a chek e c'ulan na (tatz'eta' c'a ri DyC 132:19).

Man xaxe ta nic'atzin chi niban ri c'ulubic riq'uin ri k'atbel tzij richin ri Ajaf, xa nic'atzin chuka' chi niban chupan ri c'ojlibel ri ruk'ijun can rija'. Ri c'ojlibel ri' jari' ri lok'olej nimajay richin ri Ajaf. Xaxe chupan ri lok'olej nimajay richin ri Ajaf niban vi ri c'ulubic richin jumul.

tz'eketajic chupan ri rajavaren ri Dios. Nuk'alajirisaj chiquivech ri c'o chi niqubien richin xtiquil re turusanic re'. Nubij chique chi ronojel yeya'ox, xaxe vi yequitakej ri rupixa' ri Dios.

Vi yojc'ulubex riq'uin xabachique chic uchuk'a', ri c'ulubic c'o rejkalen xaxe chupan re c'aslen re'. Tok e caminek chic el, ri achin y ri ixok man e junan ta chic, ni ta chuka' ri calc'ual. Jun c'ulubic richin jumul nuya' k'ij chike richin xkojc'oje' junan riq'uin ri ka familia tok niq'uis re c'aslen re'.

¿Achique uc'uayon richin ri k'atbel tzij ri nic'atzin chubanic ri jumul c'ulubic? ¿Achique roma niban chupan ri lok'olej nimajay richin ri Ajaf?

RI TURUSANIC RICHIN JUN C'ULUBIC RICHIN JUMUL

Roj ri oj c'o chupan ri Ruk'ataj ri Ajaf, ketaman chi oj q'ues junelic y man xaxe ta chupan re c'aslen re'. Man riq'uin vi ri', c'o modo nikil ri turusanic richin jun jumul c'ulubic vacami yan y chuka' benek ruvech.

Ja c'are' ri turusanic ri xtkil chupan re c'aslen re':

1. Ketaman chi ri kac'ulubic xtiyaloj jumul. Ri camic yojruch'er xa jun ca'i' oxí' k'ij. Manjun nitiquir yojruch'er jumul, xaxe c'a vi man nikanimaj ta tzij. Re etamabel re' yojruto' richin nikatij kak'ij chubanic jun utzilej kachoch.

2. Ketaman chi ri kalc'ual xquebec'oje' kiq'uin benek ruvech. Romari', nikatij kak'ij vacami richin yekatijoj chi utzil y yekato' richin y yenak'atej el. Queri' chuka' man can ta cha'nin nipe koyoval chiquij ri kalc'ual, xa janfla xquekajo'. Roma ronojel re', janfla yojquicot riq'uin ri ka familia.

Ja c'are' ri turusanic ri xtilkil chupan ri c'aslen richin jumul:

1. Xkojbec'oje' acuchi c'o vi ri Dios chupan ri nabey ravaren.

2. Xtijotobex kak'ij achi'el ri rubañon ri Dios vacami y xtilkil jun tz'aket quicoten.

3. Xkojtiquir xtikanimirisaj ri ka familia tok xquec'oje' ri kalc'ual pan espíritu.

Tac'utuj chique ca'i' vinaki' chi tiquitzijoj ri turusanic richin jun c'ulubic richin jumul chupan re c'aslen re' y chupan ri c'aslen richin jumul.

C'O CHI NIKACHOJMIRISAJ APON KI' CHUBANIC JUN C'ULUBIC RICHIN JUMUL

Ri Presidente Kimball nubij chi tok yojc'ule', jari' jun bano-bel janfla c'atzinel. Nubij chi ri c'ulubic janfla nuto' ri ka c'aslen richin jumul. Man xaxe ta nito'on chupan ri quic'aslen ri juc'ulaj, xa chuka' chupan ri quic'aslen ri calc'ual, y ri quiy y ri quimam. Can nic'atzin vi chi nikach'ob rij ri kac'ulubic. Chuka' nubij quere': Roj yekapixabaj ri xtani' y ri alabo' chi tiquik'ijuj pa quich'utinal pe chi xquec'ule' xaxe chupan ri lok'olej nimajay richin ri Ajaf y tiquichajij ch'ajch'oj c'aslen richin chi can xtic'ulvachitej vi.

Ri Presidente Kimball quere' xubij chuka':

Nikabij chive rix ri ix alabo' y ri ix xtani' chi ri Tata'ixel nurayij chi yixc'ule' richin jumul y niq'uiytisaj jun utzilej familia, stape' ix c'o pa jun chic tinamit c'anej, stape' man que ta ri' niquiben ri ch'aka' chic chupan ri itinamit.

Ri karayibal ja chi ri ite' itata' xquixquitijoj richin nibech'aca' juba' ipuak, y niyec can richin ri i misión y ri ic'ulubic.

Xtibec'oje' jun c'ac'a' espíritu chupan ri Sión tok ri k'opoji' xtiqubij quere' chique ri alabo': Tacuyu' juba', yin janfla

yatinvajo'. Pero manek modo yic'ule', xaxe chupan ri lok'olej nimajay richin ri Ajaf.

Nic'atzin chi conojel ri vinaki' ri e richin ri Ruk'ataj ri Jesucristo xtiquich'ob rij jun c'ulubic richin jumul. Re' nic'atzin chuka' chique ri e c'ulan chic pa municipalidad chuka'. C'o chi janíla nikach'ob rij y yojch'o riq'uin ri Dios richin nikachojmirisaj ki' richin chi xtikac'ul ri c'ulubic richin jumul. Xaxe ri vinaki' ri e c'o chupan ri K'ataj y quic'uan jun chojilej quic'aslen ye'oc chupan ri lok'olej nimajay richin ri Ajaf (tatz'eta' c'a ri DyC 97:15-17). Man tiquirel ta nikabij chek queri' chi nikajo' yojbe pa templo y yojbe ta chupan ri k'ij ri'. Nabey c'o chi nikaben ri nic'utux chike.

Jun vinek man nitiquir ta noc chupan ri lok'olej nimajay richin ri Ajaf tok manjani tik'ax jun juna' chupan ri K'ataj y nuben ronojel rusamaj chupan. Chuka' nic'atzin chi ri achi'a' c'o quiq'uin ri Aj Chicajel Uchuk'a' richin ri Melquisedec. Nic'atzin chuka' chi yojch'o riq'uin ri obispo o riq'uin ri presidente richin ri rama. Ri obispo o ri presidente richin ri rama nuc'utuj chike ri kabanon chupan ri kac'aslen. C'a c'ari', vi oj tiquirel, niya'ox chike jun ruvujil ri nu-

Chupan ri lok'olej nimajay richin ri Ajaf, ri achin y ri ixok yexuque' pa jun lok'olej xuculibel. Ri cach'alal e c'o chiri' chuka'. E c'o chuka' ca'i' jiquibanela'. Ri achin y ri ixok niquiben ri c'ulanen tzij chuvech ri Dios. Ye'oc achijilal y ixjayilal chupan re c'aslen re' y richin jumul. Re' niban roma jun achin ri c'o riq'uin ri k'atbel tzij ri nic'atzin chubanic re takbel re'. Re achin re' nuben ri c'ulubic riq'uin ri ruto'bel ri Ajaf y nusuj chique ri c'ulbela' ri turusanic richin k'alajirisaj chi utz yojoc chupan ri lok'olej nimajay richin ri Ajaf. Tok kac'ulun chic re ruvujil re', c'o chi yojbe riq'uin ri presidente richin ri estaca o riq'uin ri presidente richin ri misión. Ri uc'uey bey ri' nutz'ibaj ri rubi' chuvech ri ruvujil ri' chuka'. Vi xa man ruc'amon ta yojbe'oc, ri obispo o ri presidente richin ri rama yojrupixabaj. Yojruto' richin nika-k'ijuj ri achique xtikaben richin nikachojmirisaj ki' richin xkojoc chupan ri lok'olej nimajay richin ri Ajaf.

Ri nic'utux chike tok yojbe chuc'ulic ri ruvujil richin yojoc chupan ri lok'olej nimajay richin ri Ajaf jare':

1. ¿La ak'ajon ri pixa' richin ch'ajch'oj c'aslen y xa man

achojmirisan ta quiq'uin ri uc'uey tak bey chupan ri aj chicajel uchuk'a'?

2. ¿La nanimaj ri presidente richin ri Ruk'ataj ri Jesucristo quichin ri Chojlaxela' chupan ri Ruq'uisibel tak K'ij, y chi rija' jun Profeta, jun Tz'etonel, y jun K'alajirisanel? Y ¿la nabij rat chi man c'o ta chic jun achin chuvech re ruvach'ulef ri c'o ruk'ij richin nucusaj ronojel ri jakbel richin ri aj chicajel uchuk'a'?

3. ¿La natoj chironojel ri alajujitakil?

4. ¿La natakej ri Ch'abel richin Etamabel?

5. ¿La can at choj riq'uin ronojel ri naben quiq'uin ri ch'aka' chic vinaki'?

6. ¿La xtatij ak'ij chi utzil chubanic ri asamaj chupan ri K'ataj? ¿La xtatij c'a ak'ij richin yabe chupan ri molojri'il richin ri lok'olej va'in y ri molojri'il richin ri aj chicajel uchuk'a' y ri ch'aka' chic molojri'il chupan ri K'ataj? Y ¿la xque'atakej ri pixa' richin ri K'ataj?

7. ¿La nac'uaj ri ac'aslen achi'el ri nubij ri lok'olej rutzi-jol?

C'o ch'aka' ri nic'utux chike chuka'. Tok nac'utuj jun ruvu-jil richin yatoc chupan ri lok'olej nimajay richin ri Ajaf, tokaka chac'u'x chi jare' jun nimalej turusanic ri nuya' ri Ajaf chike. Man nikaben ta chek queri'. Nic'atzin chi utz nikach'ob rij. C'o chi yekatakej chiquijujunal ri c'ulanen tzij ri nikaben chupan ri lok'olej c'ojlibel ri'. Ri Ajaj rubin chi vi roj ruc'amon y nikacukuba' kac'u'x, xkojk'ax c'a ak'anij chiquivech ri angeli' y xkojbe'oc chupan ri rajavaren ri Dios. Xkojoc Diosi' (tatz'eta' c'a ri DyC 132:19-20). Nic'o ruvi' nim rejkalen ri c'ulubic richin jumul chuvech ronojel ri c'o chi nikaya' can richin nikaben. Jare' jun rubeyal richin yekac'ul turusanic ri man e q'uisel ta.

Tabij chique ri vinaki' chi tiquich'obo' rij ri achique nic'utux chike tok yojbe chuc'ulic ri ruvujiil richin yojoc pa templo. Tasiq'uij chic jun bey ri nic'utux chike.

Tanaj 38

CH'AKA' CHIC MOCAJ RI UTZ YE'ANIC'OJ

Génesis 1:26-28 (nic'atzin chi yec'oje' calc'ual)

Génesis 2:21-24 (ri nabey c'ulubic xban roma ri Dios)

Mateo 19:3-8 (ri nutun ri Dios, man nuch'er ta manjun vinek)

DyC 132 (man q'uisel ta ri pixa' richin c'ulubic)

DyC 131:1-4 (ri más jotol c'ojlibel chupan ri nabey rajavaren man niya'ox ta chique conojel)

DyC 42:24-26 (nic'atzin chi nitakex ri c'ulanen tzij richin ri c'ulubic)

Jacob 3:5-11 (ri Lamani más utz xquiben quiq'uin ri quixjayilal que chiquivech ri Nefi'i')

Mateo 22:23-30 (manek c'ulubic chupan ri c'astajibel)

JUN BIX RI UTZ NABIXAJ

"Nikaya' Ruk'ij ri Dios"

RI PIXA' RICHIN CH'AJCH'OJILEJ C'ASLEN

JUN CH'ABEL CHIQUÉ RI TE'EJ TATA'AJ

Re tanaj re' e c'o partes ri man xtik'ax ta chiquivech ri tak ac'uala'. Utz yixoyoben, c'a tok ri ívalc'ual nik'ax chiquivech ri rubanic ri ruch'acul ri achin y ri ixok, y achique rubanic ri vinakirinen. Ri e uc'uey kabey chupan ri K'ataj quibin chi nic'atzin chi roj ri oj te'ej tata'aj yekatijoj ri kalc'ual chirij ri rubaniquil ri tok nalc'ualex y nalex pe jun vinek. Nic'atzin chuka' chi yekatijoj che ri pixa' richin ch'ajch'ojilej c'aslen.

Nabey, utz yekatijoj ri tak kalc'ual richin niquetamaj chi ri quich'acul yalan e utz y janíla e c'atzinel. Nic'atzin chi yojch'o choj quiqu'in chirij ri quich'acul y man nikatze'ej ta ri partes che ri ch'aculaj. Xa nikaya' ri chojilej rubi' chiquijujunal ri partes che ri ch'aculaj. Vi quere' nikaben, xquenimer ri kalc'ual y man xqueq'uix ta roma ri quich'acul.

Ri ac'uala' nicajo' niquetamaj rubaniquil ronojel. Niquirayij niquetamaj achique nitiquir nuben ri quich'acul. Nicajo' niquetamaj acuchi e petenek vi ri tak ne'y. Tok niquic'utuj chirij re', nic'atzin chi cha'nin nikasol rij ri niquic'utuj chike, richin chi utz nik'ax chiquivech. Vi nikaben queri', man xqueq'uix ta richin niquic'utuj chike. Vi man utz ta nikasol rij ri niquic'utuj, riq'uin juba' xqueq'uix, o xtiquinojij chi e ketzelan, o xtiquinojij chi manjani tiquetamaj ri nicajo' niquetamaj. C'ari', xquebe chuc'utuxic chire jun chic vinek. Y riq'uin juba' xtiquetamaj pe jun nojibel man utz ta riq'uin ri vinek ri'. Man utz ta chuka' nikabij pa jumul chique ri kalc'ual ronojel ri etamabel chirij ri quich'acul. Xa utz nikasol rij ri niquic'utuj y nikabij xaxe ri achique xtik'ax chiqui-

vech vacami. Tok nikasol rij ri niquic'utuj, utz nikac'ut chiquivech chi nic'atzin chi niquiya' ri ruk'ij ri quich'acul rije' y ri quich'acul ri ch'aka' chic vinaki'. Nikac'ut chiquivech chi tiquicusaj tziek ri man nuyec ta ri itzel quirayibal ri ch'aka' chic. Nic'atzin chi nikachojmirisaj ri quinojibal man utz ta, y ri tz'ilolej tak ch'abel ri quetaman pe quiq'uin ch'aka' chic vinaki'. Tok e nima'k chic, utz yojch'o quiq'uin rije' pa ruvi' ri uchuk'a' richin yec'oje' kalc'ual. Nic'atzin chi niquetamaj re' can utz vi y ja ri Ajaf ri yoyon pe. Rija' nurayij nikacusaj re uchuk'a' re' jampe' oc rubin rija' chike.

Tok ri tak ac'uala' ye'el pe riq'uin ri Tata'ixel y yepe vave', rije' e ch'ajch'oj y manek quimac. Nic'atzin chi roj ri oj te'ej tata'aj yekatijoj chirij ri utzilej rutzijol chupan ri kachoch. Vi nikac'utuj chire ri Ajaf chi kojru'to', rija' xkojrusi'loj c'a richin yekatijoj ri kalc'ual chupan ri chojilej rubeyal tok ruc'amon chic chi yekatijoj.

RI UCHUK'A' RICHIN RI YEC'OJE' KALC'UAL

Tok tz'ucutajinek chic re ruvach'ulef, ri Dios xubij chique ronojel ri e q'ues chi quevinakir (Génesis 1:22). Jare' richin man niq'uis ta ronojel ri c'aslen chuvech re ruvach'ulef. Ri Dios xuben chi ri chicopi' c'o quirayibal, y c'o chuka' ri man yetiquir ta niquiben.

C'ari', ri Dios xeruya' ri Adán y ri Eva chuvach'ulef. Rije' xa man e junan ta riq'uin ri ch'aka' chic ri xerutz'uc can ri Dios, roma rije' e ralc'ual ri Chicajel Katata' pan espíritu. Ri Dios xeruc'uluba' ri Adán y ri Eva chupan ri cotz'ijbel richin ri Edén. Y xubij chique chi tiquivinakirisaj c'a ri ruvach'ulef y tiquiq'uiytisaj (Génesis 1:28). Man riq'uin vi ri', nuc'uex rubey ri quic'aslen roma jun pixa' richin ch'ajch'ojil, y man roma ta ri quirayibal.

Ri Dios xurayij chi conojel ri ralc'ual xebe'alex pe chupan jun familia, richin queri' utz xechajix y utz xetijox. Achi'el ri xquiben ri Adán y ri Eva, roj chuka' nic'atzin chi nikaya' ch'aculaj quichin ri ralc'ual ri Dios ri e c'o pan espíritu. Roj nikaben re' riq'uin ri kuchuk'a' richin yec'oje' kalc'ual. Re uchuk'a' re' richin yec'oje' kalc'ual, jari' jun lok'olej uchuk'a'. Ri Dios rubin chi man koj'c'oje' riq'uin jun achin o jun ixok, xaxe vi oj c'ulan chic riq'uin. Ja c'are' ri pixa'

richin ch'ajch'ojilej c'aslen.

¿Achique roma xuben ri Dios chi yec'ule' ri achí'a' y ri ixokí'?

¿ACHIQUE CAMI RI PIXA' RICHIN CH'AJCH'OJILEJ C'ASLEN?

Roj xaxe yojtquir yojc'oje' riq'uin ri achin o ri ixok achoji-q'uin oj c'ulan vi. Manjun ixok o manjun achin nic'oje' riq'uin jun chic vinek vi manjani quec'ule'. Tok oj c'ulan chic, yojc'oje' xaxe riq'uin ri kachijil o ri kixjayil.

Ri Dios xubij chique ri Israeli': "Man catixokin" (Exodo 20:14). Ri Israeli' ri man xquitakej ta re pixa' re' xecamisex (tatz'eta' c'a ri Levítico 20:10). Ri Ajaf xucamuluj pe re pixa' re' chire ri José Smith tok xubij: Man catixokin. Y ri vinek ri nixokin y man nitzolin ta pe ruc'u'x, xtelesex c'a el. [xtelesex el chupan ri K'ataj] (DyC 42:24).

Bin can chike chi ri pixa' richin ch'ajch'ojilej c'aslen man xaxe ta ruc'uan ri ixokinic. Ri Presidente Kimball xerupixabaj ri xtani' y ri alabo' chi e c'o ch'aka' chic mac ri e k'aton tzij pa quivi' roma ri pixa' richin ch'ajch'ojilej c'aslen:

"Chiquicojol ri mac richin ch'aculaj, ri binakel niquibanala' ri xtani' y ri alabo' ja ri janíla niquitz'umala' qui' chiquivech y ri niquichapala' quich'acul chiquivech. Re man utz ta banobel re' yojquic'uaj chupan ri itzel tak mac quibini'an ixokinic y ri tzakonic. Pero man xaxe ta re'. Re banobel re' janíla e itzel quiyon, y c'ayef chique ri xtani' y ri alabo' richin niquitz'et acuchi niq'uis vi jun mac y acuchi nitquir el ri jun chic. Re mac re' niquic'asoj jun nima rayibel y itzel tak nojibel y rayibel richin ch'aculaj. Re mac re' e junan quiq'uin ri ch'aka' chic mac y itzel tak banobel" (*Milagro del Perdón*, p. 63-64).

Ri ch'ajch'oj c'aslen can janíla c'atzinel y romari' ri Presidente Kimball xerupixabaj ri xtani' y ri alabo' chi tiquitija' quik'ij richin niquichajij ri ch'ajch'oj c'aslen:

"Ri ich'acul can ivichin vi rix. Ya'on can chive y man richin ta jun chic vinek. Tok ix nima'k chic y c'o chic ala' yixch'o vi, utz man nimestaj ta re'. Man tikamestaj chi ri ich'acul, jari' jun lok'olej ch'aculaj ri janíla nic'a'tz chive. Y tok yixbe chirij jun chic, y yixbiyin junan pa bey, y yixzi-jon chivech, ekal ekal xtivajo' ivi' y jari' yixrunim richin

yixc'ule'. Toka' c'a chi'ic'u'x chi c'o bey tok xtivajo' xtitun ivi' janíla, tok c'a manjani quixc'ule'.

Toka' c'a chi'ic'u'x rix ri xtani' re jun ch'abel re', chi más utz nito' ivi' chuvech jun achin richin nichajij ri ch'ajch'ojilej c'aslen y ri ik'opojil y yixcom, que chuvech ri niya' k'ij richin jun achin yixruc'uaj el y nrelesaj ri ik'opojil. Vi c'o jun nich'o chive ri nurayij nucusaj ri ich'acul y nuchapala' riq'uin ri ruk'a' o achique jun chic ri nrajo' nuben chire, tibij c'a jumul chire chi !Mani! Y vi rija' c'a nurayij na, nic'atzin c'a chi nito' ivi' chuvech. Toka' c'a chi'ic'u'x chi jun chique ri profeta'í' xubij chi más nic'atzin chi nichajij ri ik'opojil que chuvech ri ic'aslen.' Stape' jun achin yojruc'uaj el y nrajo' yojrunek, ri Presidente Kimball rubin chi más utz yojcom tok nikatij kak'ij chuchajixic ri ch'ajch'oj kac'aslen que chuvech ri nikasech ri kach'ajch'ojil kac'aslen chek queri' (*El Milagro del Perdon*, p. 196). Ri ixoki' ri ye'uc'uex c'a el roma jun achin y xa man yetiquir ta niquito' qui', man e etzelan ta roma ri Ajaf.

¿Achique camí ri pixa' richin ch'ajch'ojilej c'aslen?

¿Achique xtikaben richin xtic'oje' jun ch'ajch'oj kac'aslen?

RI SATANAS NURAYIJ CHI NIKAK'EJ RI PIXA' RICHIN RI CH'AJCH'OJILEJ C'ASLEN

Ri runojibal ri Satanás richin yojruk'ol konojel y yojruk'et richin man ta xkojtzolin riq'uin ri Chicajel Katata'. Jun banobel ri janíla niyojon ja ri tok nikak'ej ri pixa' richin ch'ajch'ojilej c'aslen. Rija' novinek y c'o ruchuk'a'. Nrajo' chi nikanimaj chi xa man mac ta vi nikak'ej re pixa' re'. Janíla chi vinaki' e k'olotajinek pa ruk'a'. Nic'atzin chi nikachajij ki' chuvech ri itzel rutojtobeníc ri Satanás.

Ri Satanás nrajo' nuyoj ri ch'ajch'oj kana'oj. Rija' nurayij chi nikabij chi jebel ri ruch'acul jun vinek, y romari' ruc'a'mon chi nitz'etatej y chi niya'ox ruk'ij. Ri Chicajel Katata' nrajo' chi nikacuch ri kach'acul richin man nikayec ta itzel tak na'oj chupan ri quinojibal ri ch'aka' chic vinaki'.

Ri Satanás man xaxe ta yojrutakchi'ij richin nikacusaj ri katziak riq'uin tz'il na'oj, xa chuka' yojrutakchi'ij richin nikaq'uen pe chupan ri kajalon itzel y tz'il tak na'oj. Rija' nuben queri' quiq'uin vachibel, películas, itzel tak tzijonic, k'olój, música, y ri xajoj ri niquiben chi nikanojij man ch'ajch'oj ta banobel. Ri pixa' richin ch'ajch'ojilej c'aslen

nurayij chi ri kanojibal y chuka' ri kabanobal ye'oc ch'ajch'oj. Ri profeta Alma xubij chi tok xtik'at tzij pa kavi' roma ri Dios, "Chuka' xkojetzelex roma ri xkanojila'. Xtikaxibij c'a ki' chi nikatzu' apon ri ka Dios" (Alma 12:14). Ri Jesús quere' utzizijoj: "Ivac'axan chi xbitej can: Man catixokin. Jac'a yin ninbij chi xabachique ri xtutzu' jun ixok richin nurayij, xokin yan riq'uin pa ránima" (Mateo 5:27-28).

C'o bey ri Satanás yojrutakchi'ij riq'uin ri achique nikana' pa kánima. Rija' retaman tok roj man can ta cukul kac'u'x y nikanojij chi manek kachibil. Rija' nucha' re k'ij re' tok man can ta nim kuchuk'a' richin yojrutakchi'ij chuk'ajic ri pixa' richin ri ch'ajch'oj c'aslen. Ri Chicajel Katata' nitiquir nuya' kuchuk'a' richin nikac'ovisaj re itzel tojtobeníc re' y man ta c'ate' yojquichop.

Ri lok'olej tak tz'ibaníc niqutzizijoj jun chojilej ala' rubini'an José (Génesis 39:1-18). Ri rajaf ri José, rubini'an Potifar, janíla xucukuba' ruc'u'x riq'uin. Ri Potifar xuben chi ri José xoc rajaf ronojel ri c'o riq'uin. Ri rixjayil ri Potifar xurayij ri José y xutij ruk'ij richin xc'oje' ta riq'uin. Pero ri José xuxutuj ri ixok y xanimej el chuvech.

Ri Chicajel Katata' rubin quere': "Man ix ruchapon ta jun tojtobebelri'il, xa vinakil y cukul ruc'u'x ri Dios chi manek xtuya' ta k'ij chi yixtojtobex xaxe ri yixtiquir che. Y nuya' chuka' junan riq'uin ri tojtobebelri'il ri elevel, richin chi yixtiquir nicoch'." (1 Corintios 10:13).


¿Achique modo yojrutakchi'ij el ri Satanás?

¿Achique sujunic ruya'on ri Dios chike richin chi yekach'ec ri itzel tak tojtobeníc richin ri Satanás.

RI RUK'AJIC RI PIXA' RICHIN CH'AJCH'OJILEJ C'ASLEN, JARI' JUN MAC YALAN NIM

Ri profeta Alma xbison roma jun ruc'ajol xuk'ej ri pixa' richin ch'ajch'ojilej c'aslen. Quere' xubij chire ri ruc'ajol rubini'an Corianton: "¿La man avetaman ta, nuc'ajol, chi ronojel re' can itzel vi chuvech ri Dios? Kitzij chi re mac re' janíla itzel chiquivech conojel ri ch'aka' chic mac. Xaxe c'a, vi nacamisaj ri man aj mac ta, o vi naxutuj el ri Uxlaxibixel, xaxe c'are' más nim chuvech re mac re'." (Alma 39:5).

Ri Presidente McKay quere' rubin: "Ri ik'opojil jari' nic'o



ruvi' rejkalen chuvech ri ic'aslen. . . .tichajij c'a ri ik'opojil stape' c'a yixcamisex'' (*Milagro del Perdón*, p. 61).

Ri Presidente Heber J. Grant quere' xubij: "Jun vinek, man kitzij ta chi c'o chupan ri Ruk'ataj ri Cristo vi man ta nurayij numuk jun ruc'ajol o jun rumi'al más que chuvech nutz'et chi rusachon el ri ruk'opojil. Rija' c'o chi retaman chi ri k'opojil janíla nim rejkalen chuvech ronojel ri c'o chuvech chijun re ruvach'ulef."

Vi jun ac'ual nalc'ualex coma ri vinaki' ri e k'ajoyon richin ri pixa' richin ch'ajch'ojilej c'aslen, rije' yetakchi'ix c'a el richin niquiben jun chic itzelilej mac. Jari' ri rayin tzakonic. Manek achique roma niban jun rayin tzakonic, xaxe vi xti-com ri te'ej tok xtalex ri ac'ual.

Janíla nic'atzin chire ri Chicajel Katata' chi ri ralc'ual niquitakej ri pixa' richin ch'ajch'ojilej c'aslen. Ri vinaki' ri e c'o chupan ri K'ataj ri man niquitakej ta re pixa' re', q'uiy mul ye'elesex el chupan ri K'ataj (tatz'eta' c'a ri DyC 42:22-26, 80-81). Ri vinaki' ri man nitzolin ta pe quic'u'x tok xe'ixokin chic, xa man xquec'oje' ta acuchi e c'o vi ri Tata'ixel y ri Jesucristo. Xa xquebe c'a chupan ri rox rajavaren (tatz'eta' c'a ri DyC 76:81-86, 103-105, y chuka' ri tanaj 46 chupan re vuj re').

Tasiq'uij c'a ruvech ri DyC 76:103-105.

¿Achique roma tok ri ruk'ajic ri pixa' richin ch'ajch'ojilej c'aslen jun nimalej mac?

¿Achique turusanic yequisech can ri e k'ajoyon richin ri pixa' richin ch'ajch'ojilej c'aslen?

C'O MODO RICHIN YECUYUTEJ RI E K'AJOYON RICHIN RI PIXA' RICHIN CH'AJCH'OJILEJ C'ASLEN

C'o modo richin nuxlan quic'u'x ri e k'ajoyon richin ri pixa' richin ch'ajch'ojilej c'aslen. Ri Ajaf nubij chike: "Vi ri nibanon itzel xtitzolin pe chupan ronojel ri rumac y xquerutakej ronojel ri nupixa'. . . ronojel ri rumac ri rubanon, xa man xquenatex ta chire" (Ezequiel 18:21-22). Ri uxlanibel c'u'x nipe xaxe roma ri cuyubel mac. Jac'a ri cuyubel mac nim rajel. Ri Presidente Kimball quere' nubij chike: "C'o nic'utux chuvech ronojel cuyubel mac. . . .Ri mevayinic, y ri lok'olej ch'oven riq'uin ri Ajaf, y ri ch'uch'ujil c'o chi ye'oc más nima'k chuvech ri mac ri xban can. Nic'atzin jun paxinek ránima y jun ch'uch'uj espíritu. . . .Nic'atzin chi c'o ruya'al ruvech y jun kitzij jalatajic pa ránima. C'o chi netamex ri mac y c'o chi niya'ox can ri etzelal ri'. Y



c'o chi nik'alajirisex ri mac chiquivech ri uc'uey tak bey ri e takon roma ri Ajaf'' (*Milagro del Perdón*, p. 361).

Ri ruk'alajirisaxic ri mac jari' janíla c'ayef chique e q'uiy vinaki'. Man xaxe ta nikak'alajirisaj ri mac chuvech ri Ajaf, xa chuka' chuvech ri vinek ri kanakon. Y chuka' nikak'ala-jirisaj chuvech ri uc'uey bey chupan ri aj chicajel uchuk'a'. Ri uc'uey bey chupan ri aj chicajel uchuk'a' (jari' ri obispo y ri presidente richin ri estaca) xtuk'ijuj vi utz yoj-canej can chupan ri K'ataj o xa mani. Ri Ajaf quere' xubij chire ri Alma: Xabachique vinek ri nimacun chujij. . .vi yeruk'alajirisaj ri rumac chinuvech yin y chuka' chavech rat, y vi nitzolin pe ruc'u'x riq'uin jun kitzij ránima, xtacuy c'a rija', y yin xtincuy chuka' (tatz'eta' c'a ri Mosia 26:29).

Man riq'uin vi ri', ri Presidente Kimball yojrupixabaj: "Stape' c'a janíla nisuj ri cuyubel mac, manjun nisuj ta, ni manjun niya'ox ta chire ri vinek ri man nitzolin ta pe ruc'u'x chupan ronojel ri rumac. Riq'uin ronojel ri kuchuk'a', roj nikabij chique ri vinaki' chi manek modo yemacun y yecuy, y c'ari' yemacun chic y yemacun chic y c'a nicoyobej na ri cuyubel mac'' (*Milagro del Perdón*, p. 361, 368). Ri e c'uluyon richin ri cuyubel mac y c'a niquicamuluj ri quimac, quejkalen conojel ri quimac ri quibanon can (tatz'eta' c'a ri DyC 82:7; Eter 2:15).

RI YETAKEN RI PIXA' RICHIN CH'AJCH'OJILEJ C'ASLEN JANILA YETURUSEX

Tok nikatakej ri pixa' richin ch'ajch'ojilej c'aslen, man ni-kej kalej ta chic ri mac ri'. Niturusex ri kac'aslen roj y chuka' ri quic'aslen ri kalc'ual tok oj ch'ajch'oj chuvech ri Ajaf y manjun kamac. Ri kalc'ual c'o modo niquitz'et ri utz kabanobal ri nikac'ut chiquivech y niquitzekelbej.

Tasiq'uij c'a ruvech DyC 76:58-60.

¿Achique modo xqueturusex ri vinaki' ri yequitakej ronojel ri rupixa' ri Dios?

CH'AKA' CHIC MOCAJ RI UTZ YE'ANIC'OJ

Mateo 19:5-9; Génesis 2:24 (ri lok'olej achibilanic richin c'ulubic)

1 Juan 2:16-17; Tito 2:5-12 (pixabanic pa ruvi' ri ch'ajch'ojilej c'aslen)

Génesis 19:5; Levítico 19:20-25, 29; Levítico 20:13, 15-16 (netzelex ri tz'ilolej banobel)

1 Corintios 7:2-5; Efesios 5:28 (yac'oje' xaxe riq'uin ri avachijil o ri avixjayil)

Alma 7:25; Apocalipsis 14:4-5 (ri turusanic ri e petenek tok nitakex ri pixa' richin ch'ajch'ojilej c'aslen)

Proverbios 6:25-29 (nipixaban chirij ri ixokinic)

Proverbios 31:10 (niya'ox ruk'ij ri ch'ajch'oj na'oj)

JUN BIX RI UTZ NABIXAJ

"Ri Nata' Xuya' Jun Nuch'acul''